

i.
Crapula;
ebrietas,
voluptatis
studium.

Wollüsten/ in fressen/ sauffen/ Trunckenheit/ musiciren / tanzen/ springen vnd allerley üppigkeit suchen/ meynen/ das sey ein mittel/ das Gewissen entweder ganz zuersauffen vnd zu tödten/ oder doch zu stillen vnd einzuschlaffen.

Ja mancher hat irgends einen/ den er thurstiglich ermordet/ auff der Seelen ligen / dessen Bildnuß kömmt ihm offte vor / verfolget ihn/ schreyet rach/ vnd lästet ihm nirgend ruhe : der gehet nun bey sich zu rath/ wie ihm zuthun; nimt die resolution, er wolle Tag vnd Nacht sich bey guter epicurischer Gesellschaft auffhalten/ mit der selben schlemmen/ panquetiren/ sich toll vnd voll sauffen / vnd aller Wollust / die er nur erdencken möge/ gebrauchen/ denn solcher gestalt werde je das Gewissen schweigen müssen/ thuts auch im werck/ vnd bildet ihm ein/er trefse es gar wol/ das Pflaster sey gut auff die Wunde.

Dergleichen thut auch ein anderer / dem das Gewissen von groben begangenen Bubenstücken stets prediget/ schilt ihn ins Angesicht/ als einen Hurer/ Ehebrecher/ vngerechten Wucherer/ vntrewen Haushalter/ der sich mit frembdem Gut bereichert / dasselbe wider Redlichkeit an sich gebracht vnd besitze/ hält auch davor/ allerley Kurzweil vnd Weltfrewde sich ergeben/ sey die beste Arzney/ der schall vñ klang von jauchzen/ singen/ musiciren mache/ daß man des Gewissens stimm im Herzen nicht höre etc. Solcher Exempel soll man vielleicht in der Welt nicht wenig finden.

Aber **Deine vnseelige Arzney vnd schädliches Pflaster/** über welches nicht vnbillich die inscription vnd überschrifft zusehen/ *ἰαχμα φάρμακον*, ein tödliches Pflaster/ das dem Schmergen nicht allein nicht abhilfft/ sondern auch zu dessen vermehrung vnd verbitterung mercklich hilfft / vnd zuletzt die desperation vnd Verzweiffelung mit sich bringet.

Ein böser Kettenhund / der sonst gewlich billet vnd vmb sich beisset / lästet sich zwar ein wenig stillen / wenn man ihm eine offam, ein stück Fleisch oder Brod in den Rachen wirfft : so lang ers zwischen den Zeenen hat / höret man ihn nicht / aber so bald ers hinab geschluckt/ gehet das vorige bellen/ schreyen vnd beissen wider an : Eben so ist es bewandt mit dem bösen Gewissen eines epicurischen Menschen/ der schlemmen/ fressen/ sauffen vor seine Arzney hält : so lang der Bauch voll/ der Kopff thumm/ die Vernunft vinculirt vnd gebunden/ ist dasselbe etlicher massen still / als welches mit gewalt an seinem Klag- vnd Rich-

Quod non
aufert, sed
auget con-
scientiae
cruciatum.

terampe